

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1808256049 որոշումը անփոփոխ, իսկ գանգատն առանց բավարարման թողնելու մասին

<<09>> 08 2018թ. 17-4-4515

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյանս, ուսումնասիրելով Աղվան Մաթևոսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Աղվան Մաթևոսյանը Ճանապարհային ոստիկանություն ներկայացրած դիմումով(հիմք 87662-18) հայտնել է, որ OPEL մակնիշի 34 TZ 924 հաշվառման համարանիշի տրանսպորտային միջոցը վարել է ինքը և խնդրել ճանապարհային ոստիկանության վարչական տույժ նշանակելու մասին թիվ 1808256049 որոշումը վերահասցեագրել իրեն:

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> ՀՀ օրենքի 7-րդ հոդվածի 6-րդ մասի համաձայն գանգատը (բողոքը կամ հայցադիմումը) կարող է ներկայացվել վարչական ակտի հասցեատիրոջ կամ խախտում կատարած անձի կողմից և պետք է պարունակի խախտումը կատարած անձի անունը, ազգանունը, վարորդական վկայականի սերիան և համարը, բնակության վայրը, ինչպես նաև դրան պետք է կցվեն գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները: Եթե տրանսպորտային միջոցն օգտագործվում է գրավոր պայմանագրի հիման վրա, ապա գանգատին(բողոքին կամ հայցադիմումին) պետք է կցվի նաև պայմանագրի պատճենը:

Դիմումի ուսումնասիրության ընթացքում պարզվել է, որ դիմումին կից ներկայացված փաստաթղթերի պատճենները՝ տրանսպորտային միջոցի հաշվառման վկայագիրը, սեփականատիրոջ անձնագրի պատճենը չեն համապատասխանում դիմումում նշված տվյալներին , հետևաբար խախտումը Ա.Մաթևոսյանի կողմից կատարված լինելու փաստը ապացուցված համարել հնարավոր չէ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1.Ճանապարհային ոստիկանության վարչական տույժ նշանակելու մասին թիվ 1808256049 որոշումը թողնել անփոփոխ:

2.Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակն ուղարկել քաղաքացի Աղվան Մաթևոսյանին՝ (ծանուցման հասցե՝ Ք.Երևան, Անդրանիկի 512.45 բն., **պատճենը** Գրիգոր Մարտիրոսյանին՝ ք. Երևան, Սարի Թաղ 5 շարք 63 տ..) և ՏՄՀԽԱ կենտրոն:



Ե. Կարապետյան